



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-3587/09
Sarajevo, 3.12.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 4.12.2009.			
Organizaciona jedinica	Klasifikaciona oznaka	Redni broj	Broj priloga
01-50-1		15-62/09	

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 106. sjednici održanoj 3.12.2009. godine, utvrdilo je Odgovor na zastupničko pitanje koje je Husein Nanić, zastupnik u Zastupničkom domu Parlamentarne skupštine Bosne i Hercegovine, postavio na 62. sjednici ovog doma održanoj 14.10.2009. godine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK

Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-3587/09
Sarajevo, 3.12.2009. godine

Husein Nanić, poslanik u Predstavničkom domu Parlamentarne skupštine Bosne i Hercegovine na 62. sjednici Predstavničkog doma održanoj 14.10.2009. godine, postavio je sljedeće poslaničko pitanje:

„Da li ćete i kada u parlamentarnu proceduru dostaviti Zakon o sprječavanju nereda na sportskim takmičenjima?“

Na postavljeno delegatsko pitanje, Vijeće ministara Bosne i Hercegovine, u smislu člana 37. Zakona o Vijeću ministara Bosne i Hercegovine („Službeni glasnik BiH“ broj 38/02), na 106. sjednici održanoj 3.12.2009. godine, utvrdilo je sljedeći

ODGOVOR

Kao što vam je poznato krajem 2005. godine, bila je formirana Radna grupa koja je izradila Prijedlog Zakona o sprječavanju nereda na sportskim terenima. Radnom grupom koordinirao je predstavnik Ministarstva sigurnosti Bosne i Hercegovine, a u radu su učestvovali predstavnici mnogih institucija u Bosni i Hercegovini, sa izuzetkom predstavnika Republike Srpske. Nacrtom Zakona bila je predložena uspostava policijske saradnje između svih agencija za provedbu zakona u Bosni i Hercegovini, kako bi se uspostavila razmjena informacija i izgradilo međusobno povjerenje, te pomoglo u osposobljavanju i opremanju policije kako bi mogla odgovoriti na javne neredе u skladu sa modernim policijskim standardima i bez političkog ili etničkog utjecaja. Također Nacrt Zakona je u potpunosti bio usklađen sa evropskim standardima u pogledu predviđenih radnji koje predstavljaju prekršaj, sankcije za iste, te u pogledu nadležnosti za vođenje postupka, kojim je osigurana sudska zaštita u smislu zaštite ljudskih prava predviđenih Evropskom konvencijom i Evropskom konvencijom o ljudskim pravima i Aneksima uz tu konvenciju i Evropskom konvencijom o nasilju i nedoličnom ponašanju gledalaca na sportskim priredbama.

Međutim, nakon što je usvojen u Vijeću ministara Bosne i Hercegovine, Prijedlog Zakona o sprječavanju nereda na sportskim takmičenjima nije dobio potrebnu većinu u Parlamentarnoj skupštini Bosne i Hercegovine.

U vezi sa naprijed navedenim, Ministarstvo sigurnosti Bosne i Hercegovine je nakon posljednjih dešavanja odnosno navijačkih nereda u širokom Brijegu, razmatralo na koji način ponovo aktuelizirati pitanje donošenja pomenutog zakona, te je u tom smislu kao jedno od rješenja predviđeno da se u Programu rada ministarstva za 2010. godinu, predvidi donošenje

pomenutog zakona, a isti bi bio pripremljen od strane međuagencijske radne grupe u kojoj bi učestvovali predstavnici svih nadležnih ministarstava u BiH nadležnih za ovu oblast.

Kao druga opcija razmatrano je i pitanje da se prijedlog zakona koji nije dobio podršku od strane Parlamentarne skupštine BiH ponovo u istom tekstu uputi u proceduru usvajanja što bi iziskivalo manje vremena za njegovo ponovno eventualno usvajanje.

U narednom periodu Ministarstvo sigurnosti će se odlučiti za jedan od navedenih prijedloga o čemu ćete biti blagovremeno informisani.